

թէ ի մերում կողմանց իցէ՞: Ասէ Ղայմաղ իյանն. «Լո՛ւր սատաթլու (երջանիկ). զի երկու գլխաւոր տեղի աղօթից գոյ Հայոց, մինն ի քում իշխանութեան է, որ կոչի Երուսաղէմ՝ ի կողմն Արապստանայ. և յամենայն ամի գան ուխտ անդ ի կողմանցն Պարսից բազումք և անթիւք, և տան մաքսս բազումս ի ճանապարհին, և Երուսաղէմի անթիւ տան դրամս. և յաւելու ի գանձ արքունի: Այլեւ յերրորդ ամին միանգամ առաքեն յԵրուսաղէմայ յերկիրն Պարսից, և ժողովեն զբազում ոսկի և արծաթ և զգիպակ հանդերձս. և բերեն յԵրուսաղէմ, և է նա օգուտ Ազգի մերում: Իսկ ի մերս կողմանէ ոչ գնան բազումք յէջմիածին. և թէ գնան եւս, ոչ տան նոցա այնքան, որ իւրեանց կերածն և ըմպածն վճարէ: Եւ նոքա եւս առաքեն յերրորդ ամին միանգամ նուիրակ ի մերս կողմ, բայց ոչ տան, որպէս նոքա տան, այլ սակաւ, մեր տասն տունն՝ նոցա մի տունն չափ ոչ տայ. և զայն եւս Եղիազարն կամի չտալ: Եւ զայս ծանուցանեն Շահին, և նա պնդապահս տայ առնել աշխարհին իւրոյ չգնալ յԵրուսաղէմ, և ըզնուիրակն եւս արգելուն, և այս պակասութիւն մեծ լինի Թագաւորութեան մերում, նա թէ և խռովութիւն եւս անկանի ի մէջ երկուց թագաւորութեանց՝: Իբրև լուաւ զայս իրնթկարն Մահմուտ, սոսկացաւ յոյժ, և ասէ ցՂայմաղ իյանն. «Հրա-